

lato, cōsentaneum est justitiæ divinæ etiam peccati stipendiū destrui. Quintum fundamētum sunt exempla illorum qui in hac vita resuscitati fuerunt à morte, velut filia Sunamitidis, Cadaver contactu ossium Elisei resuscitatum, Filia Jairi, Filius viduæ in Nain, Lazarus, & Tabea. Sextum, quia Christus qua corpus qua animam ad vitam æternam redemit. Septimum, pulcerrima similitudo petita ex libro mūdi de grano tritici. Joh. 12. 1. Cor. 15. *Insipiens, tu quod seminas, non vivificatur, nisi pri⁹ moriatur.* Atq; ob hanc venustissimam similitudinem cæmeteria appellamus lingua vernacula *agros D & I.*

III. Consolatio contra mortem temporalem est fructus Resurrectionis Dominicæ, puta vita æterna, incorruptio, & immortalitas per Christum parta. Quemadmodū enim propter Adami transgressionem genus humanū morti fuit obnoxium, ita per secundum Adamum omnes homines vitæ & immortalitati sunt restituti; juxta illud Apoc. 21. *Ecce ego nova facio omnia.* Quæ renovatio excludit mortem, peccatum, & ærumnas, estq; mera justitia, vita, & gaudium. Qua causa vocatur etiā Paradisus: *quia implebis me letitia cum vultu tuo, & delectationes in dextera*

Paradisus.

X 3

tua